

**IDEAS**  
**PARA UNHA HOMILÍA CON NENOS**  
**03 DECEMBRO 2023**

## **Estate atento, vén o que te orienta**

### **1. Ver: Un compás para orientarnos**

- Os montañeiros, os mariños e tantos outros, se non queren perderse, guíanse pola estrela Polar, a estrela que nos indica o norte e localízase a partir da Osa Maior. Mirade, convén “non perder o norte”, e ás veces imos en dirección contraria

***Que é perder o norte?***

***Que cousas nos orientan ou desorientan?***

### **2. XULGAR: Vixiade, vén o que os orienta.**

- No evanxeo deste domingo, Xesús di: ***“estade atentos, estade en vela, porque vén o Señor...”***. E ponnos o exemplo dun Señor que se vai de viaxe e que os seus criados deben estar atentos para ter todo feito cando o señor volva.

#### **QUE NOS QUERE DICIR XESÚS?**

- Esta semana **comezamos cos PREPARATIVOS** para a chegada de Xesús, non só folleando as figuriñas do belén, as luces ou a árbore, senón preparándonos por dentro.
- Fano convidanos a **iniciar o tempo de Advento** preparándonos para celebrar o **“verdadeiro Nadal”**. Para orientarnos ben, cara a el, imos construír un compás. O compás é unha caixiña redonda, en cuxo interior hai unha agulla imantada que xira sobre un eixo e sinala sempre o norte, e por iso oriéntanos.

Conducidos pola Palabra de Deus, a nosa vida atopará sentido. Este primeiro domingo colocamos “o norte” no compás que construímos, o norte será celebrar o Nacemento de Xesús.

- **Como atopar o norte?** Facendo o que o evanxeo nos di: “Espertade, estade en vela”. **A cousa vai DE PRESTAR ATENCIÓN**, de estar en vela, de non durmirmos ante a visita tan importante que vén ás nosas vidas. Que nos impide estar espertos? Que imposibilita que acendamos a candea da acollida, do amor, do compartir, da alegría, da esperanza? Quen pode acender a mecha da nosa alma?

- **Neste 1º domingo Xesús pídenos que acendamos A CANDEA DA ORACIÓN.** A oración é o mellor medio para atoparnos con Xesús, para descubrir o que me afasta del, para ventilar e purificar o noso interior expulsando os virus do mal. Orar é buscar a Luz que oriente a túa vida, Xesús. Orar é deixar que a súa luz acenda a túa alma. Le cada día o evanxeo e aprende a ler a túa vida desde Deus. Dá grazas, pídelles perdón e dille **“Ven pronto, Señor”**.

- ***Como mellorar a nosa oración persoal, familiar?***

### **3. ACTUAR: Preparamos a súa vinda**

- Facemos **na casa e en grupo algúns preparativos**: poñemos a Coroa de Advento, imos preparando o belén, facemos un calendario cristián de Advento. Podemos fotocopiar o **compás de Fano de Advento** e cada domingo imos coloreando, recortando e pegando a xanela correspondente. Esta **primeira semana** coloreamos **o norte**, cada día un dos personaxes + o espertador e o libro. Acendemos **a 1ª candea** (a da oración) da Coroa de Advento e rezamos: “Xesús, quero estar en vela, orando”. ***Que imos facer?***

## LECTURAS

**ISAÍAS 63, 16c-17. 19c; 64, 2b-7: *Oxalá resgases o ceo e descendeses!***

Ti, Señor, es o noso Pai, o teu nome desde sempre é «o noso Liberador». Por que nos extravías, Señor, dos teus camiños, e endureces o noso corazón para que non che tema? Vólveche, por amor aos teus servos e ás tribos da túa herdade. Oxalá rachases o ceo e descendeses! Na túa presenza estremeceríanse as montañas. «Descendiches, e as montañas estremecéronse». Xamais se oíu nin se escoitou, nin ollo viu un Deus, fóra de ti, que fixese tanto por quen espera nel. Saes ao encontro de quen practica con alegría a xustiza e, andando nos teus camiños, acórdase de ti. Velaquí que ti estabas airado e nós pecamos. Pero nos camiños de antigo seremos salvados. Todos eramos impuros, a nosa xustiza era un vestido manchado; todos nos murchabamos como follas, as nosas culpas arrebatábannos como o vento. Ninguén invocaba o teu nome, ninguén saía do letargo para adherirse a ti; pois nos ocultabas o teu rostro e entregábasnos ao poder da nosa culpa. E, con todo, Señor, ti es o noso Pai, nós a arxila e ti o noso oleiro: todos somos obra da túa ma.

*Palabra do Señor.*

**SALMO 79: R/** Oh, Deus, restáuranos, que brille o teu rostro e nos salve.

**1 CORINTIOS 1,3-9:** *Agardamos a manifestación do noso Señor Xesucristo.*

**SAN MARCOS 13, 33-37:** *Velade, pois non sabedes cando virá o señor da casa.*

**Narrador:** Naquel tempo, díxolles Xesús aos seus discípulos:

**Xesús:** *“Estade atentos, vixiade: pois non sabedes cando é o momento. É igual que un home que se foi de viaxe, e deixou a súa casa e deu a cada un dos seus criados a súa tarefa, encargando ao porteiro que velase.*

*Velade entón, pois non sabedes cando virá o señor da casa, se á tardiña, ou a medianoite, ou ao canto do galo, ou ao amencer: non sexa que veña inesperadamente e vos atope durmidos.*

*O que vos digo a vós, dígoo a todos: Velade!”.*

***Palabra do Señor***